

# ROYATADOGENHTI LUKE.

## CHAP. I.

*Ne jinihoweyeanotea-onh John Shagohnegoserahs, Keristus ronhaonh.*

**N**E wagarihonni onenh yotkate yagoyenonh hesnon-geh ne isi ayehkwite ne aoriwa engarihowanahton jinigon negea-enh tkagonte-onweh tetewehtahkwe niih,

2 Shateayaweane jithonahtka-onh niihne, ken wahhi adahsawenhtseragon jiniyawea-onh ogara tegondiganere, oni ong wajihenhstajih ne ne oweana ;

3 Ana-awen jiniyoht ongyanerease, ji wagyena agwah wagatogenhji wagaronke orihwagwegon ji agwah tyotyerenhton, ne a-akhyaton ne nisegeh ne engarihonni, yodohetston yoderihwagonyenhst *Theophilus*.

4 Kengayen nahesaderyentarake-onweh ji orihwiyonweh agwegon ne kea-igenh jinidyawenonh nise agwegon ne yesarihwaweyensteanih.

5. ¶ **J**INIDYAWEA-ONH, rodehniseratennyonhkwe ne *Herod* ne korahkawah ne *Judea*, ne royatatogen rajihenhstajihraohseana *Zacharias*, jinonkadihkon ne *Abia* : nok ne rone ne shagoyea-ah ne *Aaron*, ne aonha aohseana Arisagwah.

6 Oni tehniaronh ronaderihwagwarihsyon raohenton ne Niyoh, ne ronahtendyatonhatye jinihonweaneanih ne yoderihwagwarihsyonse ne Royaner yahtha-ahshagohristen.

7 Neoni yah tehodiwirayen, ne garihonni ne Arisagwah yahtewadewedonhs ; nok oni tehniaronh onen eso ronohseragwen.

8 Etho neane sha-aweane, kengayen, jinahe ne rorihwayote ne radijihenhstajih raodiyotenhsera raohenton ne Niyoh ne enhaderihwahtendyehte jiniyoderihwinon,

**F**

are

2

the

word

3

derst

thee

4

thing

5

the c

Aaron

6

in all

blame

7 A

barren

8 A

priest's